



Broj: UV-150-01-1-1398-4/22 ŽB  
Sarajevo, 28.06. 2022. godine

Na osnovu člana 69. stav (2) alineja d) i člana 70. stav (4) i (5) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine i broj: UV-104-01-1-1425-15/21 od 29. juna 2021. godine, člana 13. stav (3) Pravilnika o javnim nabavkama, broj: UV-150-01-1-1467-3/20, od 27. jula 2020. godine, Upravno vijeće Centralne banke Bosne i Hercegovine na 7. sjednici od 23. juna 2022. godine, donosi

### O D L U K U

o poništenju postupka javne nabavke robe – električna energija – lot 1 i lot 2

#### Član 1.

(1) Centralna banka Bosne i Hercegovine (u daljnjem tekstu: Centralna banka) poništava postupak javne nabavke robe – električna energija, za sljedeće lotove:

- Lot 1 – električna energija za potrebe Centralnog ureda Centralne banke, procijenjene vrijednosti nabavke od 259.000,00 KM;
- Lot 2 – električna energija za potrebe Centralne banke – Glavna jedinica Sarajevo, procijenjene vrijednosti nabave od 50.000,00 KM.

(2) Postupak se poništava jer jedina primljena ponuda nije prihvatljiva.

#### Član 2.

Centralna banka će o rezultatima provedenog postupka javne nabavke obavijestiti ponuđače.

#### Član 3.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke.

#### Član 4.

Ova odluka će se objaviti na web stranici Centralne banke [www.cbbh.ba](http://www.cbbh.ba) istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

### O b r a z l o ž e n j e

Postupak javne nabavke robe – električne energije, za potrebe Centralne banke, pregovaračkim postupkom bez objave obavijesti, pokrenut je Odlukom broj: 150-15-4-435-13/22 ŽB, od 25. aprila 2022. godine.

U skladu sa odredbama člana 28. Zakona o javnim nabavkama, Centralna banka je na svojoj web stranici objavila informaciju o pregovaračkom postupku bez objave obavijesti i uputila poziv za učešće, sa tenderskom dokumentacijom, sljedećim kandidatima/ponuđačima:



- JP Elektroprivreda Bosne i Hercegovine d.d. Sarajevo;
- JP Elektroprivreda Hrvatske zajednice Herceg-Bosne d.d. Mostar.

U predviđenom roku za dostavljanje zahtjeva za učešće, blagovremeno je dostavljen jedan zahtjev za učešće sa početnom ponudom, za lot 1 i lot 2, ponuđača JP Elektroprivreda Bosne i Hercegovine d.d. Sarajevo.

Komisija, nadležna za provođenje postupka javne nabavke, je izvršila pregled i ocjenu navedenog zahtjeva za učešće i početne ponude i zaključila da kandidat/ponuđač JP Elektroprivreda Bosne i Hercegovine d.d. Sarajevo nije kvalifikovan za učešće u daljnjem toku pregovaračkog postupka bez objave obavijesti, jer dostavljeni zahtjev za učešće, sa početnom ponudom, nije numerisan. Članom 58. stav (2) Zakona o javnim nabavkama izričito je propisano: „*Ponuda mora biti čvrsto uvezana i sve stranice ponude numerisane...*“

Kako se nisu stekli uslovi za nastavak pregovaračkog postupka bez objave obavijesti, Komisija je Zapisnikom o pregledu i ocjeni ponuda, broj: 149-15-4-1287-5/22, od 31. maja 2022. godine, dala preporuku za poništenje postupka javne nabavke, za lot 1 i lot 2.

**Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća  
Centralne banke Bosne i Hercegovine

GUVERNER  
dr. Senad Softić



Dostaviti:

- guverneru;
- viceguvernerima;
- sekretaru Upravnog vijeća i Uprave;
- Uredu glavnog internog revizora;
- predsjedniku komisije;
- Odjeljenju za zajedničke poslove;
- Glavna jedinica Sarajevo;
- Odjeljenju za računovodstvo i finansije;
- Odjeljenju za javne nabavke;
- JP Elektroprivreda Bosne i Hercegovine d.d. Sarajevo;
- JP Elektroprivreda Hrvatske zajednice Herceg-Bosne d.d. Mostar